

鶴來松有客，苔去石無衣。黃金浮世在，白髮故人稀。

戲吟

落魄正當年，人皆笑我顛。乾坤時運動，滄海渺無邊。

竹

雨過江臯靜，風來庭檻清。此君故人好，入夜聽秋聲。

書林管轄扇

九鸞陪玉獸，八鳳薦金芝。青童歌妙曲，玄女唱清詞。

青城洞陽丈人

青城老洞翁，名籍丹臺上。日日誦黃庭，感得祥雲降。

野軒偶書

道藏輯要

虛靖真君語錄

壽

又翼集七

日月雙螢火，乾坤一鵲巢。野軒有涼戶，誰敢等閑敲。

六言絕句

題崇仙觀知足軒

此性本無一物，涓水亦自圓明。借問先生足處，軒前月白風清。

靜室偶書

貧有清風明月，富無紅粉膏脂。子午鳳朝元始，去來雷電相隨。

七言絕句

鐘

金晶鑄就斗星懸，掛向瓊樓知幾年。好是五更殘夢裏，一聲敲

透白雲天。